

## 2 Kings / מלכים ב - According to Dead Sea Scrolls Manuscripts Combined

Chapters 1-4 not extant among Dead Sea Scrolls

### Chapter 5

Verses 1 - 25 not extant among Dead Sea Scrolls

<sup>26</sup> ויאמר אליו לא לבי הלך כאשר הפך איש מעל מרכבתו לקראתך העת לקחת את הכסף ולקחת בגדים וזיתים וכרמים וצאן ובקר ועבדים ושפחות:

Verse 27 not extant among Dead Sea Scrolls

### Chapter 6

Verses 1 - 31 not extant among Dead Sea Scrolls

<sup>32</sup> ואלישע ישב בביתו והזקנים ישבים אתו וישלח איש מלפניו בטרם יבא המלאך אליו והוא אמר אל הזקנים הראיתם כי שלח בן המרצה הזה להסיר את ראשי ראו כבוא המלאך סגרו הדלת ולחצתם אתו בדלת הלוא קול רגלי אדניו אחריו:

Verse 33 not extant among Dead Sea Scrolls

### Chapter 7

Verses 1 - 7 not extant among Dead Sea Scrolls

**8** ויבאו המצרעים האלה עד קצה המחנה ויבאו אל אהל אחד ויאכלו וישתו וישאו משם כסף וזהב ובגדים וילכו ויטמנו וישבו ויבאו אל אהל אחר וישאו משואם וילכו ויטמנו:  
**9** ויאמרו איש אל רעהו לא כן אנחנו עשים היום הזה יום בשרה הוא ואנחנו מחשים וחכינו עד אור הבקר ומצאנו עוון עתה לכו ונבאה ונגידה בית המלך:  
**10** ויבאו ויקראו אל שער העיר ויגידו להם לאמר באנו אל מחנה ארם והנה אין שם איש וקול אדם כי אם הסוס אסור והחמור אסור ואהלים כאש כאשר המה:

Verses 11 - 20 not extant among Dead Sea Scrolls

**20** ויהי לו כן וירמסו אתו העם בשער וימת כדבר איש האלהים:

## Chapter 8

**1** ואלישע דבר אל האשה אשר החיה את בנה לאמר קומי ולכי את וביתך וגורי באשר תגורי כי קרא יהוה לרעב וגם בא על הארץ שבע שנים:  
**2** ותקם האשה ותלך כדבר איש האלהים אל ארץ פלשתים שבע שנים:  
**3** ותשב האשה מארץ פלשתים ותבא אל העיר אל המלך אל ביתה ואל שדה:  
**4** והמלך מדבר אל גחזי נער אלישע לאמור ספר נא לי את כל הגדלות אשר עשה אלישע:  
**5** ויהי הוא מספר למלך את אשר החיה את המת והנה האשה אשר החיה את בנה צעקת אל המלך על ביתה ועל שדה ויאמר גחזי אדני המלך זאת האשה וזה בנה אשר החיה אלישע:

Verses 6 - 29 not extant among Dead Sea Scrolls

## Chapter 9

**1** ואלישע הנביא קרא לאחד מבני הנביאים ויאמר לו חגר מתניך וקח פך השמן הזה בידה ולך רמת גלעד:

**2** ובאת שמה וראה שם יהוא בן יהושפט בן נמשי ובאת והקמתו מתוך אחיו והביאת אתו חדר בחדר:

Verses 3 - 37 not extant among Dead Sea Scrolls

## Chapter 10

Verses 1 - 18 not extant among Dead Sea Scrolls

**19** ועתה כל נביאי הבעל כל עבדיו וכל כהניו קראו אלי איש אל יפקד כי זבח גדול לי לבעל כל אשר יפקד לא יחיה ויהוא עשה בעקבה למען האביד את עבדי הבעל:

Verse 20 not extant among Dead Sea Scrolls

**21** וישלח יהוא בכל ישראל ויבאו כל עבדי הבעל ולא נשאר איש אשר לא בא ויבאו בית הבעל וימלא בית הבעל פה לפה:

Verses 22 - 37 not extant among Dead Sea Scrolls

Chapters 11 - 25 not extant among Dead Sea Scrolls